

Избирательной список--со государственной документ

12-ти декабрь вуэ. Та нуналэ сю миллион избирательёс голосовать карыны избирательной помещениосы лыктозы. Избирательёслы правозэс осуществить карон понна умоесь условнос кылдытон котькуд организационлэн данлыко уез луэ.

Бырийськонлы дасяськонын организационной уж нимысьтыз ий дано уж луэ. Котькуд сельсовет избирательёсты избирательной список'ёсын тодматсконэз обеспечить мед кароз. Избирательной список'ёс та дыр'я избирательёслы учкыны (обозрение) понна сельсовет'ёсын тыремын. Та список'ёсын котькуд избиратель мед тодматсконэз. Со понна список'ёсты организованной обозрение лэсьтон кылдытоно. Старо-Утчанской избирательной участкаын „Валче кукым“ но Пастуховлэн нимыныз нимам колхоз'ёсысь егит избирательёс Дягелев комсомолчлэн кивалтмез'я, 20-ти ноябре жыт гармошкаосын, организованно список'ёсты эскерыны ветлызы. Нырысьсэ озьы эскерыса ик соос список'ёсысь 8 пумо умойтэм интыосты шараязы.

Кыче бен со умойтэм интыос? Куд-ог сельсовет председателёслэн, секретарьёслэн тырмыт ответственность шодытэк ужаменызы, избирательёслэсь ним'ёссэс суран, списке пыртытэк кельтон, яке избирательной праволэсь судэн лишит карем'ёсты списке пыртон факт'ёс шараямы.

Муважинской сельсоветын (председателез Вершинин) избирательной списке 5 арлы судить карем муртэ, та дыр орчем бере куинь ар чожели праволэсь лишит карем Хитрин Василий Николаевичез пыртллям. Со сельсоветысь ик Голышурминской избирательной участкаын 171 мурт избирательёс списке пыртытэк вылэм. Гарга гуртын 4 мурт пересь избирательёсты „соос все ровно голосовать карыны уз мынэ“ шуса избирательной списке пыртллямтэ. Классовой тушмонлэн враждебной агитация нуэмез бордысь потэмын со.

Таке факт'ёс уно шараясько. Варзи-Ятчинской сельсоветын быдэсак участковой избирательной комиссиелэсь членэз Муфтахова Срурез списке пыртллямтэ. Удм.-Тоймошан сельсоветын (председателез Молчанов) Байкова Анастасия Корниловнаез „Максимовна“ гожтыллям.

Кадик сельсоветын (председателез Беляев) Матвеев Никифор Матвеевичез, 1863 арын вордскем адямиез, 1920 арын гожтыса, 70 аресо муртэ несовершеннолетний карыса избирательной списке пыртллям. Та сельсоветын ик бырийськон сярысь Положенилэсь статьяосэ тьян факт'ёс вань. Положенилэн 17-ти статьяез'я избирательёслэсь жалобаосэс куинь нуналскын эскерон интые, Тарасова Феодосия Федоровнаез, Кедров Николай Матвеевичез но мукетызлэсь жалобаосэс 5 нунал эскерытэк возызы.

Избирательной список--со государственной документ луэ. Котькуд избиратель мед тодматсконэз аслаз избирательной участкакысьтыз список'ёсын. Кызы умой дасямын, кызы умой уточнить каремын луозы со список'ёс, со бордысен бырийськонэз образцово ортытон решаться луоз. Избирательёсты списокен тодматон сяна, голосовать карыны урнаос дасян, комнатаос тупатон, помещениез культурно рад'ян--ваньмысь со сельсовет'ёслэн но избирательной участка'ёслэн туннэ быдэстоно ужзы.

Бырийськон'ёслы дасяськонын партийной, советской, комсомольской, профсоюзной организациослы участковой избирательной комиссиосын чош ужано.

Уно избирательной участка'ёсын избирательёс польсь куд-ог локетэз, тужгес ик нылкышноос, пересьёс но инвалид'ёс, избирательной законэз изучать каронэз кысымытэ. Наглядной агитация (лозунг'ёс, плакат'ёс, новостыёсты возматон доскаос) овёл. Бордгазет'ёслэн, самодеятельной кружок'ёслэн ужзы но агитационно-массовой уж, нуонлэн мукет формаоссы чик организовать карымтэ. Избирательной помещениос дась овёл. Верховной Советэ быр'ён'ёслы дасяськон хозяйственной уждра'ёсты

Малы мон Смакулов понна голосовать каро

Мон Смакулов Иван Алексеевичез куинь арес дырысеныз тодисько. Мынам аслам апае Грах районуысь Удмурт Возжай гуртэ быземын. Мон со доры чем ветлылысько вал. Соин тьян мон Иван Алексеевичез пичи дырысеныз тодисько. Со шоры мон пичи дыр'яз ик та лэчыт, чырткем адями луоз шуса учкылй.

Мон умой тодисько, Смакулов средняккой семьяын вордскемын. Солэн атаез 1905 аре японской войнае мыныса быриз. Озы Иван Алексеевич кык аресысен сирота кылиз. Собрере со анаеныз дядез дорын улйз. Семьязы бад'ым вал, нош ужасёсыз ой вал. Дядязы солэсь анайэз векчи пинал'ёсыныз яна поттыз. Хозяйствозы яна потэм бере туж начар кылиз. Соослы эксэй правительствозы оз юртты. Соин соос туж секитэн, куанер улйзы.

Ваня пичиысен ик ужаны, гырыны, ус'яны кутскиз.

Октябрьской революцилуэм бере гинэ Смакуловлэн семьяез капчи шокчиз. Музем соослы тырмыт сётызы.

Государство нянен но коньдонэн юрттылиз.

1932 аре Удмурт Возжае колхоз кылдыз. Смакулов эш активно ужаны кутске. Со вань кужмысьтыз колхозэз юнматыны, колхоз-



И. А. Смакулов.

ник'ёслэсь улонэс умой карыны сюлмаське.

Смакулов Иван Алексеевич Верховной Советэ быр'ён понна достойной кандидат луэ. Тьян малы мон 12 декабре Смакуловез Верховной Советэ быр'ён понна

шумпотыса голосовать каро.

Мон ачим но эксэй правительстволэсь вань секит'ёссэ пельпым выл'ёсам ортычты. Чем дыр'я милям нянымы оз тырмылы. Соин кулак'ёс, узыр'ёс дорын ужаса ляльчиын ветлоно луи. 9 аресысен ус'яны, гырыны кутски, со дырысен уно ар'ёс чоже мурт'ёслы ужаса ветлы. Германской ожин но мон вал.

Октябрьской революци бере гинэ мон умой улонэз адзи. 1932 аре шумпотыса колхозэз пыри. Мыным 59 арес ке но ни, колхозын сюлмо ужасько. Туэ 290 трудодене. Быдэс семьяелэн 600 трудоденез. Милям колхозын одиг трудоденлы 8 кг. нян усе, со сяна уно картовка но коньдон. Туэ мынам хозяйствозы нян гинэ ог 300 пуд басытоз. Семьяе 6 мурт.

Районысьтымы вань избирательёсыз Верховной Советэ Иван Алексеевич Смакуловез бырийыны голоссэс сётыны отисько.

Яркев Василий Федорович. Ст. Юмья сельсовет, „Югыт“ колхоз.

ИЗБИРАТЕЛЬНОЙ УЧАСТОК'ЁСЫН УЖАН СЯРЫСЬ

ВКП(б) райком бюролэн 26 ноябре 1937 арын пунктэмез

Избирательной участка'ёсын СССР-лэн Верховной Советаз быр'ён'ёслы дасяськонлэн состояниез сярысь ВКП(б) райком бюролэн член'ёсызлэсь проверка ортычтымылэн итог'ёсыз сярысь сообщенизэс но первичной парторганизациослэн кивалтисьёссылэсь, доверенной лицаослэсь но участковой избирательной комиссиослэн председател'ёссылэсь информативизэс кылдыса, ВКП(б) райкомлэн бюроез пус'е, что ряд первичной парторганизациослэн кивалтисьёсы (Фролов эш), доверенной лицаос (Демин, Рукавишников эш'ёс), избирательной комиссиослэн председател'ёсы (Артамонов, Тупиков эш'ёс) СССР-лэн Верховной Советаз быр'ён'ёслэсь, избирательной участка'ёсын организационной но агитационной уж нуонлэсь политической значенизэс пуmozяз валаллямтэ.

Уно избирательной участка'ёсын избирательёс польсь куд-ог локетэз, тужгес ик нылкышноос, пересьёс но инвалид'ёс, избирательной законэз изучать каронэз кысымытэ. Наглядной агитация (лозунг'ёс, плакат'ёс, новостыёсты возматон доскаос) овёл. Бордгазет'ёслэн, самодеятельной кружок'ёслэн ужзы но агитационно-массовой уж, нуонлэн мукет формаоссы чик организовать карымтэ. Избирательной помещениос дась овёл. Верховной Советэ быр'ён'ёслы дасяськон хозяйственной уждра'ёсты

быдэстонэн (кутсаськон, пудоез толйитыны дасян, государствозы етын мертчан сётон, нюлэс дасян но мукетыз) герзэмтэ.

Та бордысен ВКП(б) райкомлэн бюроез пунктэ:

1. Голышурминской спиртозаводлэн парткомезлэсь секретарьэз Фролов эшез, доверенной лицаосты Демин, Рукавишников эш'ёсыз, избирком'ёслэсь председател'ёссэс Артамонов но Тупиков эш'ёсыз предупредить кароно, что если СССР-лэн Верховной Советаз быр'ён'ёслы дасяськон но агитационной уж нуонын матысь нунал'ёсы перелом ке оз кылдытэ, соослы чурьт партийной взыскание мераос кутэмын луозы.

2. Фролов эшлы Голышурминской заводуын, Кузбаевской но Муважинской избирательной участка'ёсын агитационной уж организовать карон сярысь райком бюролэсь решенизэ быдэстонлы недопустимой отношениезлы указать кароно но доверенной лицаослы Демин но Рукавишников эш'ёслы, соослы массаос ласяне сётэм доверилы пренебрежительно отнестись каремзылы указать кароно.

3. Вань первичной парторганизациослэн кивалтисьёссылы но доверенной лицаослы агитационной ужез кужмоятыны косоно озьы, вань калыкез Верховной Советэ быр'ён'ёс сярысь Положениез изучать каронэн но окружной избира-

тельной комиссиосын СССР-лэн Верховной Советаз депутатэ зарегистрировать карем кандидат'ёслэн улонэнызы но уженызы тодматсконэн тырмыт охватить кароно. Митинг'ёс, собраниос, беседаос, читкаос ортытон но избирательёсын доразы индивидуальной беседаос нуон организовать кароно, нылкышноослы, пересьёслы но инвалид'ёслы нимысьтыз внимание сётоно.

4. Вань партийной, комсомольской но профсоюзной организациослы, сельсовет'ёслы но колхоз правлениослы регулярно бордгазет'ёс поттаны, новостыёсты возматон доскаос, самодеятельной кружок'ёслэсь, клуб'ёслэсь но красной уголок'ёслэсь ужез организовать карыны, плакат'ёс но лозунг'ёс вывешивать карыны поручить кароно.

5. 28--29 ноябре избирательной участка'ёсысь помещениослэсь дасьлыкэс но избирательной комиссиослэн член'ёссылэсь ужез эскерон ортытоно.

6. СССР-лэн Верховной Советаз быр'ён'ёслы дасяськон вань ужез хозяйственной уждра'ёсты (кутсаськон, пудоез толйитыны дасян, государствозы етын мертчан сётон, нюлэс дасян но мукетыз) быр'ён'ёс нуналлы--12 декабрьоз быдэстон понна нюр'ясконэн герзаса нуоно.

ВКП(б) райкомлэн секретарез ГЕРАСИМОВ.



СССР-лэн Верховной Советаз быр'ён'ёс азе поттэм Н. Долгоруков художниклэн плакатэз.

Смакулов Иван Алексеевич

Пинал дырыз

Вожез потыса, син'ессэ берыктыса учкиз класс шоры Вдовин дышетисы.

—Так-с, так-с,— шуиз со. Секыт, чыжыт киоссэ безраз кутыз но партаос вöз-тй вамыштйз. Партаос сьöрын пукись куамын ёрос егит солэм'ёс кышкаменызы шымыртскизы. Пинал'ёс тодйзы ни нош ик кудзылы ке но йöтоз шуса. Кышкыт вал соослэн „наставниксы“. Пичи ке но янгыше усид, нош куддыр'я чик янгыштэк но, дышетскисьёсты со чурит жугылйз. Тужгес но йöтылйз сирота но бедняк'ёслэн нылпиоссылы, соос пала нокин дурбасьтис ой вал.

—Смакулов Иван!

Тугаськем сьöд йырсио пинал жутскиз парта сьöрысь.

—Мон, Лек-к-с андр Сергееч,— каллен вазиз со.

—Малы толон, паршивец, занятиын ой вал?

—Мон... м-мынам... м-милям...

—Ма тынад, ма тылад?— кеськиз Вдовин чыжектыса. Мынйз со кышкаса куалек'ясы дышетскись доры, кык пельтиз ик кутыз но, парта йылти поттыз. Дышетскись пилэн пельыстыз вир потэм бере Вдовин сое öс сьöры поттыса лэзиз.

Вöсь луэмезлы но сантэмалы чидатэк Ваня бöрдьса кошкыз дораз. Кезыт тол шор куазь ляб дйськуто пиналэз кынтйз.

Дораз бертыса со малуэмез сярысь анаезлы но атай луонэзлы вераз. (Анаез кыктэтйзэ кузпалыськемын вал, нырысез кузпалэз японской войнае быриз).

Атай луонэз—бедняк, со яратйз Ваняез. Солэсь верамзэ кылдскыса, секыт лулскиз.

—Дорын ик ул, Иван. Школаос асьме кад'ёс понна öвöл. Бедняк'ёслэн шудзы со дыр ни, пеймытын улон.

* * *

Йырзэ музэ йöттымон гыбыртскыса кыскиз герыез начар төри вал. Со, вискарытэк дугдылыса берзэ уч-

кылйз. Геры сьöры, бамтиз ву кошкыса, вамыш'яз егит пинал. Йырыз солэн геры кук йылти öжыт гинэ адзиське вал. Уг кылдйськы вал геры пиналлэн киосылэсь: то вылтйз кошке, то пластэ чөгзе. Вань кужымзэ поттыса, секыт улонэзлы чидатэк бöрдьса, геры сьöры огпалась-огпала сэрпалляськыса, пограно кадь валэз сьöры пограно кадь со кошке.

1915 арын, Ваня даскыктэтй арасаз потыку, солэсь атайзэ германской войнае басьтйзы. Ныль нылпиос полысь самой бадзымез ик Ваня вал, со вылэ усиз крестьянской ужалэн вань секытэз. Гырыз, усыяз, кизиз, пу вандйз. Жадьыса, кускыз чөг'яса, жыт'ёсы кема улыса со бертылйз уж дурысь. Корка сьргысь кесяськем дйськут'ёс вылэ выдыса, чем дыр'я дик сиськытэк но, семьяез понна сиолмаськыса, секыт умме усылйз.

Курадзöнысь но ёрмонысь славае но почотэ

Ар'ёс дыртыса кадь азылань мынйзы. Иван Смакулов мой луиз. Со чукнаысен жытозь ужалляз, каргам улонлэн курадзöнэз солэн пидбераз йöтылйз. Иванлэн кикур пасьта гинэ начар муз'емез öжыт нянь сётйз. Толшорозь нянез мырдэм тырмылйз. Толшорысен ини сютэм улон сое, кулак'ёс дорын курадзöнэ вуттылйз. Олокöня толзэ гуртысьтызы ик Горюнов Иван кулак дорын батрачить карыса ортчыт'яз. Гурт'ёстй пул пильыса ветлылйз, нош куанер улоньсы колхоз кылдытозь потыны öз быгаты.

Революци бере салдат'ёс фронтсы бертызы. Соос гуртэ номырин воштонэм, жутскем, выль мылкыд'ёс, калыклэн осконлыкез сярысь, малы тани Смакулов'ёс кулытоязы ужаса но куанер, ёрмыса, сьнтэм уло, нош Горюнов узыр ульсы номыр ужатэк вöй улын пыласкыса улэ.— соос Иванлы валэк'ялйзы

Иван курадзйса улонлэсь вань секытэс аслаз пельпум'ёс аз ортчытэменыз, кулак'ёсты адзонтэм карыса зырдалляз.

—Дугдэ али тй, вир юисьёс...

Кулак'ёсын активно нюр'яськөнэ, со, 17 аресысен— 1921 аре кутске. Со дырозь кулак'ёс азылэ сямэн ик гуртын зеч муз'ем'ёсты кутыса улйзы. Иван Смакулов куанер ульсьёсын герзаськыса, кулак'ёслэн котынызы кышкат'ямзы шоры учкытэк, ачиз муз'ем люкылон орчытэ. Нош кулак'ёс юнме öз лек'яське. Олокöняпол виыны но туртско вал. Одыгпол Горюнов Александр кулак Смакуловлэн ымаз-ныраз но мыжгиз, нош жугыны куанер ульсьёс гинэ öз сётэ. 1923 аре Иван Алексеевичез куанер ульсьёслэн комитетазы быр'ё. Комитетлэн пуктэмез'я со, Горюнов кулак'ёс вукозэ тала.

1931 аре, активной общественник луэменыз сельсовет членэ быр'ё. Со вакыт со колхозын бригадир луса ужаз. Татын со ассэ умой организаторен, жадёнэз валасьтэм хозяйственникен възматйз. Иван Алексеевич бригадирын 3 ар ужаз, нош солэн бригадаез котьку но азымынйсь вал, быдэс колхозэз сьöраз вальтйз. 1935 аре, май толэзе колхозник'ёс Смакулов эшез председателе быр'ё. Иван Алексеевич ужез борды юн-юн, яратыса кутске. Азылэ бере кылем колхоз сйзьылаз сельсоветлэсь кивысь-кие ветлйсь горд знамяз басьтэ, нош ар ортчыса районьн азымынйсь ингы басьтэ но, али но азымынйсен лыд'яське.

Сыче вакчиак вераса, курадзйса но ёрмыса улоньсы ш у д о колхоз улонэ потыны быгатэм, бадзым но сложной артельной хозяйствоен усто кивалтыны быгатысь, калыклэн, солы оскыса но сое яратыса аслаз родинаезлэн Верховной Советаз депутатэ кандидатэн выдвинугь карем Иван Алексеевич Смакуловлэн улэм'вылэмез. Ф. Уванцов.

Тронин, Горшенин но Смакулов эш'ес понна

Ми, Муважи сельсоветысь „1 май“ колхозысь колхозник'ёс но колхозницаос, калык югдытон ужын ужасьёс, СССР-лэн Верховной Советаз выдвинуть карем кандидат'ёсмес Тронинэз, Смакуловез но Горшенинэз баллотироваться кариськыны асьсэлэн сётэм согласизыя избирательной округ'ёсын зарегистрировать каремзэс кылыса бадзым шумпотонэн, зечкыласа пумитаськом. Ленинлэн-Сталинлэн партизылэн кивалтэмез'я Верховной Советэ родинамылэсь самой умоесь, социализм понна жадёнэз валатэк нюр'яськысь пиоссэ кандидатэн бырйимы. Вань голосмез выдвинуть карем канди-

дат'ёс понна сётон! Митинглэн нимыныз— И. Вершинин, Я. Колесников, А. Казакова.

* * * Муважи сельсоветысь „Горд ошмес“ но „Культурник“ колхоз'ёсысь 150 мурт избирательёс СССР-лэн Верховной Советаз ужаса улйсьёсын выдвинуть карем кандидатураосты Тронинэз, Горшенинэз но Смакуловез окружной избирательной комисиюсосын зарегистрировать каремзэс одобрит каро. Выбор'ёс дыр'я соос ваньзы ик голоссэс Тронин, Горшенин но Смакулов понна сётозы.

А. Ашигин, Н. Петров, Ф. Колбин но мукетыз.

Асановской участковой избирательной комиссийлэн членэз Пислегин Иван Осипович сярысь

Алаш райисполкомлэн 17 ноябре 1937 аре пуктэмез

СССР-ысь Верховной Советэ быр'ён'ёс'я Асановской избирательной участоклэн членэз Пислегин И. О., со ик сельсоветлэн членэз, вина пöзтонэн нюр'яськем но сельсоветлы выборлы дасяськон ласянь практической юрттэт сётэм интые, вина пöзтон организовать кариз но со понна ик адмкомисиен 100 манетлы оштрафовать каремын. Вина пöзтэмез понна штраф тыронэзлэсь мозмытон ласянь аслаз куриськоназ Пислегин, аслэсьтыз пресступной ужзэ ватйз, сельсовет член шуса вина пöзтонэн нюр'яськем интые сое ачиз организовать кариз но вина пöзтонэн нюр'яськыны кулацкой сабогаж кылдыгыз, Верховной Советэ быр'ёнлы дасяськон ужез куашкатыны юртгыз, избиркомлэн членэз шуса избирательёсты солы оскыны оправдать öз кары.

Райисполкомлэн президиумез пуктэ:

1. И. О. Пислегинлэсь вина пöзтэмез понна ты-

роно штрафсэ куштытыны куриськемзэ отказать кароно Судисполнитель Бузанов эшез адмкомиссиялэн 14 октябрез (та аре ик) пуктэмез'я Пислегинлы сётэм штрафез взыскать карыны косоно.

2. Вань сельсовет председателёслы та постановлениез колхозник'ёслэн собраниосазы проработать карыны, вина пöзтонлэсь вредностьсэ, кулацкой действилэсь колхозысь трудовой дисциплинаез куашкатыны дасяч, астэ быдтонэн но жугыськөнэн орчысь одйг методзэ вань калыктыны косоно.

3. Асановской сельсоветлы избирательёс азын Пислегинэз азыланэз сельсовет член луса ужамысь но, озы ик „Май“ колхозысь колхозник'ёслэн собраниязы Пислегинэз колхозысь умой стахановец'ёсын яке умой колхозник'ёсын избирком членёсы вошгон ласянь одно ик ужлум пуктыны косоно.

Райисполкомлэн председателэз ПЕТРОВ, Секретарез МОИСЕЕВ.

Кызыы голосовать карозы неграмотнойёс но малограмотнойёс

Капиталистической государствоын ужаса улйсьёсты избирательной праволэсь пöртэм амал'ёсын лишить каро. Тынад квартирад умой ке öвöл, тынды избирательной право уз сётэ. Уж утчаса улон игыдэ чем вош'яськод ке, тонэ избирательёслэн списказы уз пыртэ. Гожтэт ке уд тодйськы, образовапиед тырмыт ке öвöл— озы ик голосовать карон право уз сётэ. Тини сыче амал'ёсын капиталистической государствоын ужаса улйсьёсты избирательной праволэсь лишить каро.

Тани Венгриян, кылсярысь, пиосмуртлы быр'ён'ёсын участвовать карыны пойна одно ик дышетскем кулэ. Солэн образованиез начальной школаын дышетскемлысь пичи луыны кулэ öвöл. Ныльышноослы нош куать ар дышетскемзы öвöл ке озы ик голосовать карон право уг сето. Америкалэн витяз южной штат'ёс аз кык миллионлэсь но трос мурт негр'ёс английской кылэз умой тодымтэеныз гинэ бырийськон праволэсь лишить каремын.

Царской Россия нищой, неграмотной страна вал. Школаос татын öжыт вал. Гурт'ёсын церковно-приходской школаос сяна мукет'ёсыз ой вал. Город'ёсын нош начальной школаос сяна средней школаос вал ке но, отчы ужаса улйсьёслэн пинал'ёсы пырыны öз быгатыла. Соослы дышетскон сюрес пытсамын вал. Гимназиосын дунтэк öз дышетэ. Ар кустын ичизэ вераса 250 манет дунтыроно луэ вал.

Россиян вань пинал'ёс пöлысь 4/5 частез нокиче школае öз шедьыла. Соос дышетскытэк кылылйзы.

Великой Октябрьской Социалистической революцилэн нырысь нунал'ёс аз ик большевистской партия но Советской власть неграмотностез быдтон ласянь бадзым уж нуон борды кутскизы. Ужаса улйсь калыкез дышетгон ласянь бадзым уж вöлмиз.

„Лыдзиськыны но гож'яськыны быгатон— культураез вылэ жутоллы служить мед кароз шуса дөбиться кариськыно. Крестьянин

дыдзиськыны но гож'яськыны та быгатонэз ас хозяйствозэ но ас государствозэ умогтозэ кутыны быгатонлык мед басьтоз.“ Тини озы Ленин вералляз.

Асьме родинамы али котькудйз дышетскыны быгатэ, солы образование басьтыны сюрес паськыт усьтэмьн. Начальной школаосын но вышной школаосын но дышетскон дунтэк пуктэмьн. Высшой но специальной средней школаосын дышетскисьёс миллионлэсь но тросэз государственной стипендия басьто.

1936 арын асьме Советской Союзамы школаослэн лыдзы 170 сюрслэсь но трос вал. Царской казналэсь 1913 арын народной образование ужлы кутэм расход'ёс аз бастыно ке, со расход'ёс сярысь Советской власть али дышетон ужлы сю полдэсь но трос средстваос' куэ. Азылэ вить пинал пöлысь одйгез гинэ дышетскыны быгатыз. Озы вал царской правительство дыр'я. Али нош, Советской власть дыр'я одйгез но кылытэк ваньмыз дышетске. 1936—1937 арын начальной но средней школаосын 29 миллионлэсь но уно пинал'

ёс дышетскизы. Царизм дыр'я мойыносты чик öз дыштыла. Али нош мойыослэн школасазы дышетскисьёс гинэ 9 миллион мурт ёрос луоз. Асьме кынамы ваньмыз сямэн ик дышетско. Советской власть неграмотностез та 20 ар кустын оглом басьтыса ликвидировать карыз. Революцилэсь азыло Россиян 100 адями пöлысь 25-ез грамотной вал. Али нош СССР-ын 100 мурт пöлысь 90-эз грамотной ини. Партия но правительство неграмотнойёсты вальзэс грамоталы дышетон понна вискарытэк сюлмасько.

Советской власть тани чöш ик неграмотной но малограмотной граждан'ёс асьсэлэсь правооссэ— СССР-лэн граждан'ёсызлы сётэм правоосты ваньзэ использовать мед карозы шуыса кулэ уждад'ёс куэ. Сталинской Конституция вань граждан'ёслы, соос грамотной-а, неграмотной-а, сое лыдэ басьгытэк, огкадь правоос но обязанностьёс, огкадь избирательной правоос сётйз. СССР-лэн Верховной Советаз быр'ён'ёсын вань граждан'ёс участвовать карыны мед быгатозы шуса, асьмелэн

избирательной законмы сыче граждан'ёсыз но падэнэ уг кельты, куд'ёсыз сыче-а таче-а мурт'ёс'я асьсэлэсь неграмотностьсэ аз быдтэ на. Избирательной законлэн 81 статьяез неграмотной но малограмотной мурт'ёслы избирательной бюллетеньёс заполнить карон комната бюллетеньёсты заполнить карыны асьсэлэ юрттыны понна любойзэ избирателез пыргыны право сётэ.

Озы тини СССР-лэн котькудйз неграмотной но малограмотной гражданинэз аслэсьтыз избирательной правозэ быдэсак осуществить карыны быгатоз. Сое котькуд неграмотнойлы но малограмотнойлы тодоно. Неграмотной но малограмотной мойы граждан'ёс бырийськон'ёсын участвовать карыны уг быгато но участвовать кароно уг луо шуыса тушмон'ёсын был вöлдочлы, клеветать каронлы чурит отпор сётон.

Редактор И. Г. ГРИГОРЬЕВ. Поттысь РАЙИСПОЛКОМ.

с. Алаши, УАССР. Типография райгазеты, Уполн. Удмглавлита № 263